

- cum sint serui pœnæ, sunt irregulares, quod idem de bannitis dicendum est. Nouissimè contrahitur irregularitas per homicidium, vel mutilationem hominis viui, vt supra diximus in 2. lib. Decal. 5. præcep. Verum illis adde, quòd ut talis irregularitas incurrat, duo requiruntur. Primo, vt sequatur mors, vel mutilatio hominis viui. Secundo, ut homicida dederit causam proximam. de primo diximus ibi.
- 67 Circa secundum, dare † causam proximam homicidio, secundum tex. in c. de cætero, de homic. dicitur tripliciter. Primo ex officio, secundo ex intentione, tertio ex actu per se ordinato. Ex officio dicitur dare causam proximam homicidio, qui ex officio reum morti condemnat, videlicet Iudices criminales, assessores, consultores, consiliarii, auditores, actuarii, scribæ, testes, cap. si quis viduâ, dist. 50. legentes mortis sententiam, carnis ex, lictores, cap. sententiam, capitulo, clerici. ne cleri. vel vou. Quare hi omnes sunt irregulares.
- 68 Secundo, † ex intentione, hinc omnes hi irregulares censendi sunt, qui dant causam proximam morti, vel mutilationi hoc fine, vel intentione, vt vendens, vel commodans scalas scienter, uel enses, funes, sagittas, vel alia instrumenta ad sagittis configendum, vel laqueo suspendendû, aut iugulandum, iux. Dom. Ant. 3. par. tit. 28. cap. 2. nu. 5.
- 69 Item hortans † condemnatum, vt admoueat caput ad stipitem, vel instruens carnificè, ut reum dexterè necet, ut minus doloris sentiat, vel faciat aliquid, ex quo acceleretur mors, iux. Nauar. cap. 27. num. 217.
- 70 Item † qui authoritatiuè reum decapitandum, aut suspendendum comitantur, ut capitanei, satellites, pulsantes tubam, & ita intelligitur dictum Abb. in c. sententiam, ne cler. vel vou.
- 71 Tertio † ex actu per se ordinato ad mortem, vel membri mutilationem. Huiusmodi est accusator, vel aduocatus in causa criminali contra reû, & testes contra eundem, iux. Abb. & Fel. in c. postulat, de homic. Quæ autem regulæ à Doctoribus constituantur ad dignoscendû, quando irregularitas ab aliquo contrahitur, diximus sup. in 2. lib. decal. 5. præcep. Restat modo, vt videamus breuiter modos, quibus irregularitas tollitur.
- 72 Quare † sciendum est, quòd tribus modis tollitur, & primo per baptismum, excepta illa bigamia. Vnde bigamus, ante, uel post baptismum non potest promoueri, nec corrupta velari, & de hac loquitur tex. in cap. acutius, dist. 26. Similiter nec tollitur illa veniens ex defectu natali, sed bene tollitur procedens ex peccato, qualitercunque proueniat, c. si quis viduam, dist. 50. & §. ecce, dist. 51. Syll. in verbo, Baptismus, 6. q. 1.
- 73 Tollitur † secundo per religionis ingressum, gl. in c. 2. de apost. scilicet per professionem, ut in c. scriptura, de voto. & c. 1. de fil. presby. excepta illa bigamia, & ea, quæ oritur ex homicidio voluntario iniusto, iux. Sorum in 4. sent. dist. 20. q. 1. art. 3. Caiet. in ver. Irregularitas.
- 74 Tertio † tollitur per dispensationem Episcopi, qui quidem primò potest dispensare super irregularitate natalium ad minores ordines tantum, & ad simplicis beneficij susceptionem, cap. 1. & 2. de fil. presby. Nauar. cap. 27. nu. 202. quæ iura per nouam Sixti V. constitutionem correctâ non sunt, cum illa tantum loquantur de regularibus.
- 75 Secundo † dispensat in bigamia similitudinaria, si illa erat virgo, cap. 1. vbi glo. Panor. Præp. qui cler. vel vou. Et in homicidio voluntario quoad primam tonsuram tantum, non autem quoad beneficia. Ita D. Tho. in addit. tertie par. q. 66. art. 4. Syll. in verbo, bigamus, q. 7. potest etiam Episcopus cum tali homicida dispensare, ut possit in minoribus ministrare, vt in cap. ad audientiam, c. continebatur, de homic. Couar. in clem. si furiosus, lib. 2. §. 3. de homicid. & in choro psallere, iux. Sorum de iust. & iure, q. 5. art. 3. lib. 10.
- 76 Tertio dispensat † in omnibus irregularita-